

## 第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿  
妙覺-普光明殿



## 二. 十住 – 忉利天宮

昇須彌山頂品

須彌頂上偈讚品

十住品

梵行品

初發心功德品

明法品



## 華嚴經明法品之菩薩修法及次第之一

東北方——精進慧菩薩問兩種修法	修法原則 (云何用心與根本智相應)		爾時，精進慧菩薩白法慧菩薩言：
			佛子！菩薩摩訶薩初發求一切智心，成就如是無量功德，具大莊嚴，昇一切智乘，入菩薩正位，捨諸世間法，得佛出世法，去、來、現在諸佛攝受，決定至於無上菩提究竟之處。
			彼諸菩薩於佛教中云何修習，令諸如來皆生歡喜，入諸菩薩所住之處，一切大行皆得清淨，所有大願悉使滿足，獲諸菩薩廣大之藏，隨所應化常為說法，而恒不捨波羅蜜行，所念眾生咸令得度，紹三寶種使不斷絕，善根方便皆悉不虛？佛子！彼諸菩薩以何方便，能令此法當得圓滿？願垂哀愍，為我宣說；此諸大會，靡不樂聞！
	令佛歡喜速入諸地所行清淨滿足大願 云何修法次第——	佛	復次，如諸菩薩摩訶薩常勤修習，滅除一切無明黑暗，降伏魔怨，制諸外道，永滌一切煩惱心垢；
		法	悉能成就一切善根，永出一切惡趣諸難，淨治一切大智境界；
		僧	成就一切菩薩諸地、諸波羅蜜、總持三昧、六通、三明、四無所畏清淨功德，莊嚴一切諸佛國土，及諸相好身、語、心行成就滿足，善知一切諸佛如來力、無所畏、不共佛法、一切智智所行境界；
		精進	為欲成熟一切眾生，隨其心樂而取佛土，隨根、隨時如應說法；
		禪定	種種無量廣大佛事，及餘無量諸功德法、諸行、諸道及諸境界，皆悉圓滿，疾與如來功德平等；
		般若	於諸如來、應、正等覺百千阿僧祇劫修菩薩行時所集法藏，悉能守護，開示演說，諸魔外道無能沮壞，攝持正法無有窮盡；
		方便	於一切世界演說法時，天王、龍王、夜叉王、乾闥婆王、阿脩羅王、迦樓羅王、緊那羅王、摩睺羅伽王、人王、梵王、如來法王，皆悉守護；
		願	一切世間，恭敬供養，同灌其頂；
		力	常為諸佛之所護念，一切菩薩亦皆愛敬；
		智	得善根力，增長白法，開演如來甚深法藏，攝持正法以自莊嚴。
			一切菩薩所行次第，願皆演說！
	精進慧菩薩說偈重宣	爾時，精進慧菩薩欲重宣其義而說頌言：	
		總說	大名稱者善能演，菩薩所成功德法，深入無邊廣大行，具足清淨無師智。
		佛	若有菩薩初發心，成就福德智慧乘，入離生位超世間，普獲正等菩提法。
		法	彼復云何佛教中，堅固勤修轉增勝，令諸如來悉歡喜，佛所住地速當入？
		僧	所行清淨願皆滿，及得廣大智慧藏，常能說法度眾生，而心無依無所著。
		精進	菩薩一切波羅蜜，悉善修行無缺減，所念眾生咸救度，常持佛種使不絕。
		禪定	所作堅固不唐捐，一切功成得出離，如諸勝者所修行，彼清淨道願宣說！
		般若	永破一切無明暗，降伏眾魔及外道，所有垢穢悉滌除，得近如來大智慧。
		方便	永離惡趣諸險難，淨治大智殊勝境，獲妙道力隣上尊，一切功德皆成就。
		願	證得如來最勝智，住於無量諸國土，隨眾生心而說法，及作廣大諸佛事。
		力	云何而得諸妙道，開演如來正法藏，常能受持諸佛法，無能超勝無與等？
		智	云何無畏如師子，所行清淨如滿月？云何修習佛功德，猶如蓮華不著水？

## 華嚴經明法品之菩薩修法及次第之二

法慧菩薩論修法（涅槃十波羅蜜）	讚歎請法		爾時，法慧菩薩告精進慧菩薩言： 善哉！佛子！汝今為欲多所饒益、多所安樂、多所惠利，哀愍世間諸天及人，問於如是菩薩所修清淨之行。佛子！汝住實法，發大精進，增長不退，已得解脫；能作是問，同於如來。諦聽！諦聽！善思念之！我今承佛威神之力，為汝於中說其少分。
	佛十波羅蜜	住十種不放逸	佛子！菩薩摩訶薩已發一切智心，應離癡暗，精勤守護，無令放逸。佛子！菩薩摩訶薩住十種法，名不放逸。何者為十？
			一者，護持眾戒；
			二者，遠離愚癡，淨菩提心；
			三者，心樂質直，離諸諂誑；
			四者，勤修善根，無有退轉；
			五者，恒善思惟，自所發心；
			六者，不樂親近在家、出家一切凡夫；
			七者，修諸善業而不願求世間果報；
			八者，永離二乘，行菩薩道；
			九者，樂修眾善，令不斷絕；
			十者，恒善觀察自相續力。
			佛子！若諸菩薩行此十法，是則名為住不放逸。
	法十波羅蜜	菩薩住不放逸得十種清淨	佛子！菩薩摩訶薩住不放逸，得十種清淨。何者為十？
			一者，如說而行；
			二者，念智成就；
			三者，住於深定，不沈不舉；
			四者，樂求佛法，無有懈怠；
			五者，隨所聞法，如理觀察，具足出生巧妙智慧；
			六者，入深禪定，得佛神通；
			七者，其心平等，無有高下；
			八者，於諸眾生上、中、下類，心無障礙，猶如大地等作利益；
			九者，若見眾生乃至一發菩提之心，尊重承事猶如和尚；
			十者，於授戒和尚及阿闍梨、一切菩薩、諸善知識、法師之所，常生尊重，承事供養。
			佛子！是名菩薩住不放逸十種清淨。
	僧十波羅蜜	令發大精進 佛歡喜	佛子！菩薩摩訶薩住不放逸，發大精進；起於正念，生勝欲樂，所行不息；於一切法，心無依處；於甚深法，能勤修習；入無諍門，增廣大心；佛法無邊，能順了知，令諸如來皆悉歡喜。
			佛子！菩薩摩訶薩復有十法，能令一切諸佛歡喜。何等為十？
			一者，精進不退；
			二者，不惜身命；
			三者，於諸利養無有希求；

# 華嚴經明法品之菩薩修法及次第之三

法慧菩薩論修法（涅槃十波羅蜜）	僧十波羅蜜	令發大精進 佛歡喜	<p>四者，知一切法皆如虛空；</p> <p>五者，善能觀察，普入法界；</p> <p>六者，知諸法印，心無倚著；</p> <p>七者，常發大願；</p> <p>八者，成就清淨忍智光明；</p> <p>九者，觀自善法，心無增減；</p> <p>十者，依無作門，修諸淨行。</p> <p>佛子！是為菩薩住十種法，能令一切如來歡喜。</p>
	精進十波羅蜜	安住諸法令佛歡喜	<p>佛子！復有十法，能令一切諸佛歡喜。何者為十？所謂：</p> <p>安住不放逸；</p> <p>安住無生忍；</p> <p>安住大慈；</p> <p>安住大悲；</p> <p>安住滿足諸波羅蜜；</p> <p>安住諸行；</p> <p>安住大願；</p> <p>安住巧方便；</p> <p>安住勇猛力；</p> <p>安住智慧，觀一切法皆無所住，猶如虛空。</p> <p>佛子！若諸菩薩住此十法，能令一切諸佛歡喜。</p>
	禪定十波羅蜜	應依法令速入諸地 依十波羅蜜起相	<p>佛子！有十種法，令諸菩薩速入諸地。何等為十？</p> <p>一者，善巧圓滿福、智二行；</p> <p>二者，能大莊嚴波羅蜜道；</p> <p>三者，智慧明達，不隨他語；</p> <p>四者，承事善友，恒不捨離；</p> <p>五者，常行精進，無有懈怠；</p> <p>六者，善能安住如來神力；</p> <p>七者，修諸善根，不生疲倦；</p> <p>八者，深心利智，以大乘法而自莊嚴；</p> <p>九者，於地地法門，心無所住；</p> <p>十者，與三世佛善根方便同一體性。</p> <p>佛子！此十種法，令諸菩薩速入諸地。</p>
	般若十波羅蜜	應善觀察 起善思維	<p>復次，佛子！諸菩薩初住地時，應善觀察；隨其所有一切法門，隨其所有甚深智慧，隨所修因，隨所得果，隨其境界，隨其力用，隨其示現，隨其分別，隨其所得，悉善觀察。知一切法，皆是自心，而無所著；如是知己，入菩薩地，能善安住。</p> <p>佛子！彼諸菩薩作是思惟：我等宜應速入諸地。何以故？我等若於地地中住，成就如是廣大功德；具功德已，漸入佛地；住佛地已，能作無邊廣大佛事。是故宜應常勤修習，無有休息，無有疲厭，以大功德而自莊嚴入菩薩地。</p>

## 華嚴經明法品之菩薩修法及次第之四

法慧菩薩論修法（涅槃十波羅蜜）	般若波羅蜜	十種所行清淨	佛子！有十種法，令諸菩薩所行清淨。何等為十？一者，悉捨資財，滿眾生意；二者，持戒清淨，無所毀犯；三者，柔和忍辱，無有窮盡；四者，勤修諸行，永不退轉；五者，以正念力，心無迷亂；六者，分別了知無量諸法；七者，修一切行而無所著；八者，其心不動，猶如山王；九者，廣度眾生，猶如橋梁；十者，知一切眾生與諸如來同一體性。佛子！是為十法，令諸菩薩所行清淨。
	方便波羅蜜	十種淨行增勝	菩薩既得行清淨已，復獲十種增勝法。何等為十？一者，他方諸佛，皆悉護念；二者，善根增勝，超諸等列；三者，善能領受佛加持力；四者，常得善人，為所依怙；五者，安住精進，恒不放逸；六者，知一切法平等無異；七者，心恒安住無上大悲；八者，如實觀法，出生妙慧；九者，能善修行巧妙方便；十者，能知如來方便之力。佛子！是為菩薩十種增勝法。
	願波羅蜜	十種清淨願	佛子！菩薩有十種清淨願。何等為十？一願，成熟眾生，無有疲倦；二願，具行眾善，淨諸世界；三願，承事如來，常生尊重；四願，護持正法，不惜軀命；五願，以智觀察，入諸佛土；六願，與諸菩薩同一體性；七願，入如來門，了一切法；八願，見者生信，無不獲益；九願，神力住世，盡未來劫；十願，具普賢行，淨治一切種智之門。佛子！是為菩薩十種清淨願。
	力波羅蜜	十種力用圓滿	佛子！菩薩住十種法，令諸大願皆得圓滿。何等為十？一者，心無疲厭；二者，具大莊嚴；三者，念諸菩薩殊勝願力；四者，聞諸佛土，悉願往生；五者，深心長久，盡未來劫；六者，願悉成就一切眾生；七者，住一切劫，不以為勞；八者，受一切苦，不生厭離；九者，於一切樂，心無貪著；十者，常勤守護無上法門。
	智波羅蜜	大願圓滿得十種無盡藏	佛子！菩薩滿足如是願時，即得十種無盡藏。何等為十？所謂：普見諸佛無盡藏、總持不忘無盡藏、決了諸法無盡藏、大悲救護無盡藏、種種三昧無盡藏、滿眾生心廣大福德無盡藏、演一切法甚深智慧無盡藏、報得神通無盡藏、住無量劫無盡藏、入無邊世界無盡藏。佛子！是為菩薩十無盡藏。
法慧菩薩論成就（菩薩十波羅蜜）	佛十波羅蜜	成就眾生心而為說法	菩薩得是十種藏已，福德具足，智慧清淨；於諸眾生，隨其所應而為說法。佛子！菩薩云何於諸眾生，隨其所應而為說法？所謂：知其所作，知其因緣，知其心行，知其欲樂。
			貪欲多者，為說不淨；
			瞋恚多者，為說大慈；
			愚癡多者，教勤觀察；
			三毒等者，為說成就勝智法門；
			樂生死者，為說三苦；
			若著處所，說處空寂；
			心懈怠者，說大精進；
			懷我慢者，說法平等；
			多諂誑者，為說菩薩其心質直；
			樂寂靜者，廣為說法，令其成就。

## 華嚴經明法品之菩薩修法及次第之五

法慧菩薩論成就（菩薩十波羅蜜）	法波羅蜜	說入如來教無誤	菩薩如是隨其所應而為說法。為說法時，文相連屬，義無舛謬；觀法先後，以智分別；是非審定，不違法印；次第建立無邊行門，令諸眾生斷一切疑；善知諸根，入如來教；證真實際，知法平等；斷諸法愛，除一切執；常念諸佛，心無暫捨；了知音聲，體性平等；於諸言說，心無所著；巧說譬喻，無相違反，悉令得悟一切諸佛隨應普現平等智身。
	僧十波羅蜜		菩薩如是為諸眾生而演說法，則自修習，增長義利，不捨諸度，具足莊嚴波羅蜜道。是時，菩薩為令眾生心滿足故，
		檀	內外悉捨而無所著，是則能淨檀波羅蜜。
		尸	具持眾戒而無所著，永離我慢，是則能淨尸波羅蜜。
		忍	悉能忍受一切諸惡，於諸眾生，其心平等，無有動搖，譬如大地能持一切，是則能淨忍波羅蜜。
		精進	普發眾業，常修靡懈，諸有所作恒不退轉，勇猛勢力無能制伏，於諸功德不取不捨，而能滿足一切智門，是則能淨精進波羅蜜。
		禪	於五欲境無所貪著，諸次第定悉能成就，常正思惟，不住不出，而能銷滅一切煩惱，出生無量諸三昧門，成就無邊大神通力；逆順次第，入諸三昧，於一三昧門入無邊三昧門，悉知一切三昧境界，與一切三昧三摩鉢底智印不相違背，能速入於一切智地，是則能淨禪波羅蜜。
		般若	於諸佛所聞法受持，近善知識承事不倦；常樂聞法，心無厭足；隨所聽受，如理思惟；入真三昧，離諸僻見；善觀諸法，得實相印，了知如來無功用道；乘普門慧，入於一切智智之門，永得休息，是則能淨般若波羅蜜。
		方便	示現一切世間作業，教化眾生而不厭倦，隨其心樂而為現身；一切所行皆無染著，或現凡夫、或現聖人所行之行，或現生死，或現涅槃；善能觀察一切所作，示現一切諸莊嚴事而不貪著，遍入諸趣度脫眾生，是則能淨方便波羅蜜。
		願	盡成就一切眾生，盡莊嚴一切世界，盡供養一切諸佛，盡通達無障礙法，盡修行遍法界行，身恒住盡未來劫智，盡知一切心念，盡覺悟流轉還滅，盡示現一切國土，盡證得如來智慧，是則能淨願波羅蜜。
		力	具深心力，無有雜染故；具深信力，無能摧伏故；具大悲力，不生疲厭故；具大慈力，所行平等故；具總持力，能以方便持一切義故；具辯才力，令一切眾生歡喜滿足故；具波羅蜜力，莊嚴大乘故；具大願力，永不斷絕故；具神通力，出生無量故；具加持力，令信解領受故，是則能淨力波羅蜜。
		智	知貪欲行者，知瞋恚行者，知愚癡行者，知等分行者，知修學地行者，一念中知無邊眾生行，知無邊眾生心，知一切法真實，知一切如來力，普覺悟法界門，是則能淨智波羅蜜。
	精進十波羅蜜	諸波羅蜜增勝	佛子！菩薩如是清淨諸波羅蜜時、圓滿諸波羅蜜時、不捨諸波羅蜜時，住大莊嚴菩薩乘中。隨其所念，一切眾生皆為說法，令增淨業而得度脫。墮惡道者，教使發心；在難中者，令勤精進；多貪眾生，示無貪法；多瞋眾生，令行平等；著見眾生，為說緣起；欲界眾生，教離欲恚惡不善法；色界眾生，為其宣說毘鉢舍那；無色界眾生，為其宣說微妙智慧；二乘之人，教寂靜行；樂大乘者，為說十力廣大莊嚴。如其往昔初發心時，見無量眾生墮諸惡道，大師子吼作如是言：我當以種種法門，隨其所應而度脫之！菩薩具足如是智慧，廣能度脫一切眾生。

## 華嚴經明法品之菩薩修法及次第之六

法 慧 菩 薩 論 成 就 （ 菩 薩 十 波 羅 蜜 ）	令三寶種永不斷絕（禪定）	令眾發心	佛子！菩薩具足如是智慧，令三寶種永不斷絕。所以者何？菩薩摩訶薩教諸眾生發菩提心，是故能令佛種不斷；常為眾生開闡法藏，是故能令法種不斷；善持教法，無所乖違，是故能令僧種不斷。	
		稱讚大願	復次，悉能稱讚一切大願，是故能令佛種不斷；分別演說因緣之門，是故能令法種不斷；常勤修習六和敬法，是故能令僧種不斷。	
		下佛種子	復次，於眾生田中下佛種子，是故能令佛種不斷；護持正法，不惜身命，是故能令法種不斷；統理大眾，無有疲倦，是故能令僧種不斷。	
		奉持佛法	復次，於去、來、今佛，所說之法、所制之戒，皆悉奉持，心不捨離，是故能令佛、法、僧種永不斷絕。	
		行無過失向一切智	菩薩如是紹隆三寶，一切所行無有過失，隨有所作，皆以迴向一切智門，是故三業皆無瑕玷。無瑕玷故，所作眾善，所行諸行，教化眾生，隨應說法，乃至一念，無有錯謬，皆與方便智慧相應，悉以向於一切智智，無空過者。	
	般 若 十 波 羅 蜜	一切智門十種莊嚴		菩薩如是修習善法，念念具足十種莊嚴。何者為十？所謂：
			佛	身莊嚴，隨諸眾生所應調伏而為示現故；
			法	語莊嚴，斷一切疑，皆令歡喜故；
			僧	心莊嚴，於一念中入諸三昧故；
			精進	佛刹莊嚴，一切清淨，離諸煩惱故；
			禪定	光明莊嚴，放無邊光普照眾生故；
			般若	眾會莊嚴，普攝眾會，皆令歡喜故；
			方便	神通莊嚴，隨眾生心，自在示現故；
			願	正教莊嚴，能攝一切聰慧人故；
			力	涅槃地莊嚴，於一處成道，周遍十方悉無餘故；
			智	巧說莊嚴，隨處、隨時、隨其根器為說法故。
		成就如是莊嚴功德	菩薩成就如是莊嚴，於念念中，身、語、意業皆無空過，悉以迴向一切智門。若有眾生見此菩薩，當知亦復無空過者，以必當成阿耨多羅三藐三菩提故。若聞名，若供養，若同住，若憶念，若隨出家，若聞說法，若隨喜善根，若遙生欽敬，乃至稱揚、讚歎名字，皆當得阿耨多羅三藐三菩提。佛子！譬如有藥，名為善見，眾生見者，眾毒悉除；菩薩如是成就此法，眾生若見，諸煩惱毒皆得除滅，善法增長。	
	方 便 十 波 羅 蜜	十 勤 二 加 種 修 力 行	佛子！菩薩摩訶薩住此法中，勤加修習，以智慧明，滅諸癡闇；以慈悲力，摧伏魔軍；以大智慧及福德力，制諸外道；以金剛定，滅除一切心垢煩惱；以精進力，集諸善根；以淨佛土諸善根力，遠離一切惡道諸難；以無所著力，淨智境界；以方便智慧力，出生一切菩薩諸地、諸波羅蜜，及諸三昧、六通、三明、四無所畏，悉令清淨；以一切善法力，成滿一切諸佛淨土，無邊相好身、語及心具足莊嚴；以智自在觀察力，知一切如來力、無所畏、不共佛法，悉皆平等；以廣大智慧力，了知一切智智境界；以往昔誓願力，隨所應化，現佛國土，轉大法輪，度脫無量無邊眾生。	



## 華嚴經明法品之菩薩修法及次第之七

法慧菩薩論成就（菩薩十波羅蜜）	願十波羅蜜	佛波羅蜜	護持正法隨類現身	佛子！菩薩摩訶薩勤修此法，次第成就諸菩薩行，乃至得與諸佛平等，於無邊世界中為大法師，護持正法；一切諸佛之所護念，守護受持廣大法藏；獲無礙辯，深入法門；於無邊世界大眾之中，隨類不同，普現其身，色相具足，最勝無比，以無礙辯巧說深法；其音圓滿善巧分布故，能令聞者入於無盡智慧之門；
				知諸眾生心行煩惱而為說法，
		法波羅蜜	佛	所出言音具足清淨故，一音演暢，能令一切皆生歡喜；
			法	其身端正有大威力故，處於眾會，無能過者；
			僧	善知眾心故，能普現身；
			精進	善巧說法故，音聲無礙；
			禪定	得心自在故，巧說大法，無能沮壞；
			般若	得無所畏故，心無怯弱；
			方便	於法自在故，無能過者；
			願	於智自在故，無能勝者；
			力	般若波羅蜜自在故，所說法相，不相違背；
			智	辯才自在故，隨樂說法，相續不斷；
		總相成就		陀羅尼自在故，決定開示諸法實相；
				辯才自在故，隨所演說，能開種種譬喻之門；
				大悲自在故，勤誨眾生，心無懈怠；
				大慈自在故，放光明網悅可眾心。
	力波羅蜜	僧	演說大法	菩薩如是處於高廣師子之座，演說大法。唯除如來及勝願智諸大菩薩，其餘眾生無能勝者、無見頂者、無映奪者；欲以難問令其退屈，無有是處。
		成就功德		佛子！菩薩摩訶薩得如是自在力已，假使有不可說世界量廣大道場，滿中眾生，一一眾生威德色相皆如三千大千世界主。菩薩於此，纔現其身，悉能映蔽如是大眾，以大慈悲安其怯弱，以深智慧察其欲樂，以無畏辯為其說法，能令一切皆生歡喜。
	智波羅蜜	成就三世一切如來智慧		何以故？佛子！菩薩摩訶薩成就無量智慧輪故，成就無量巧分別故，成就廣大正念力故，成就無盡善巧慧故，成就決了諸法實相陀羅尼故，成就無邊際菩提心故，成就無錯謬妙辯才故，成就得一切佛加持深信解故，成就普入三世諸佛眾會道場智慧力故，成就知三世諸佛同一體性清淨心故，成就三世一切如來智、一切菩薩大願智能作大法師開闡諸佛正法藏及護持故。
	法慧說偈重宣	十波羅蜜精進法		爾時，法慧菩薩欲重宣其義，承佛神力而說頌言：（十偈）
			佛	心住菩提集眾福，常不放逸植堅慧，正念其意恒不忘，十方諸佛皆歡喜。
			法	念欲堅固自勤勵，於世無依無退怯，以無諍行入深法，十方諸佛皆歡喜。
			僧	佛歡喜已堅精進，修行福智助道法，入於諸地淨眾行，滿足如來所說願。
			精進	如是而修獲妙法，既得法已施群生，隨其心樂及根性，悉順其宜為開演。
			禪定	菩薩為他演說法，不捨自己諸度行，波羅蜜道既已成，常於有海濟群生。

## 華嚴經明法品之菩薩修法及次第之八

法 慧 菩 薩 論 成 就	說 偈 重 宣	十 波 羅 蜜 法	般若	晝夜勤修無懈怠，令三寶種不斷絕，所行一切白淨法，悉以迴向如來地。
			方便	菩薩所修眾善行，普為成就諸群生，令其破闇滅煩惱，降伏魔軍成正覺。
			願	如是修行得佛智，深入如來正法藏，為大法師演妙法，譬如甘露悉霑灑。
			力	慈悲哀愍遍一切，眾生心行靡不知，如其所樂為開闡，無量無邊諸佛法。
			智	進止安徐如象王，勇猛無畏猶師子，不動如山智如海，亦如大雨除眾熱。
				時，法慧菩薩說此頌已，如來歡喜，大眾奉行。